

კვლევითი  
ინსტიტუტი  
Gnomon Wise




კავკასიის ეკონომიკის ყოველთვიური  
მიმოხილვა  
დეკემბერი 2024





## ეკონომიკური ზრდა



**2023 წელს კავკასიის ეკონომიკის ზრდა 4.4%-ია. 2022 წელს კავკასიის ზრდა 7.8%-ს აღწევდა. გასულ წელს ეკონომიკური ზრდის ტემპის კლება, რუსეთიდან ადამიანური და ფინანსური კაპიტალის ნაკადების შემცირებასა და, წინა წელთან შედარებით, ნავთობის დაბალ ფასებს უკავშირდება. მიმდინარე წლის იანვარ-ოქტომბერში ზრდამ 7.2% შეადგინა.**


**+** გასულ წელს საქართველოს ეკონომიკა 7.5%-ით გაიზარდა. მიმდინარე წლის პირველ ათ თვეში ეკონომიკურმა ზრდამ 10% შეადგინა. ზრდაში მნიშვნელოვანი წვლილი მშენებლობის, მრეწველობის, საფინანსო, ტელეკომუნიკაციების, ტრანსპორტის და ვაჭრობის სექტორებმა შეიტანა.

**🇧🇪** გასულ წელს სომხეთის ეკონომიკა 9.8%-ით გაიზარდა. 2024 წლის იანვარ-ოქტომბერში, წინა წლის იმავე პერიოდთან შედარებით, ეკონომიკა 8.1%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 18.8%-ით მოიმატა, სამშენებლო დარგმა კი - 15.5% -ით.

**🇦🇲** რეგიონში ზრდის ყველაზე დაბალი ტემპი აზერბაიჯანში დაფიქსირდა. 2023 წელს აზერბაიჯანის ეკონომიკა 1.1%-ით გაიზარდა. მიმდინარე წლის პირველ ათ თვეში ზრდამ 4.9% შეადგინა. აზერბაიჯანის ეკონომიკის 33.6%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 6.8% შეადგინა.



## ინფლაცია და მონეტარული პოლიტიკა



**ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა საქართველოშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.**

✚ 2023 წელს საქართველოში ინფლაციის ტემპი, წინა წელთან შედარებით, შემცირდა. 2024 წლის ნოემბერში სამომხმარებლო ფასების წლიურმა ზრდამ 1.3% შეადგინა. ნოემბრის ინფლაციაში მაღალი წვლილი სტუმარ-მასპინძლობის სექტორის ფასებმა შეიტანა, რომელიც 7.1% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 12.9%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇧🇪 რეგიონში ფასების დინამიკით სომხეთი გამოირჩევა. მიმდინარე წლის ნოემბერში სამომხმარებლო ფასების წლიური ზრდა 1.4% იყო. ყველაზე მაღალი, 7.8%-იანი ზრდა განათლების სექტორში დაფიქსირდა, ხოლო 2.5%-იანი კლება - ტანსაცმლის ფასებზე. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 7%-მდე შემცირდა.

🇦🇷 აზერბაიჯანში ინფლაცია დასტაბილურდა. 2024 წლის ნოემბერში სამომხმარებლო ფასების წლიურმა ზრდამ 4.4% შეადგინა. ოქტომბერში ეს ნიშნული 3.4% იყო. აზერბაიჯანში რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. ნოემბერში მიღებული გადაწყვეტილებით, პოლიტიკის განაკვეთი 7.25%-ზე შენარჩუნდა.